

LAMENTO
CHE FA'
IL BARBA POLO

Per hauer persa la Tognina sua Massara,

Doue narra tutte le sue virtù ad vna, ad vna.

Barzelletta piacevole, nuouamente posta in luce.

DA GIVLIO CESARE CROCE.



IN BOLOGNA,

Per Girolamo Cocchi, al Pozzo Rosso.

Con licenza de' Superiori. E Priuilegio.

CHi hà mai vist' la mia Tognina,
Me l'insegna in cortesia,
Chi sà dirm' ond' la sia,
A vuoi darij vna puitia
Chi hà mai vist' la mia Tognina.

L'è tri dì ch'l'andò via,
Stà ribalda traditora,
E s' n' pos star mez' hora
Ch'an la vega stà assifina,
Chi hà mai vist.

A son tant desperà
S'an la trou' brigada mia,
Ch'jà farò qualch' pazzia,
Per stà cagna malandrina,
Chi hà mai vist.

Al nè fù, nè mai ferà,
Ch' stè Donne tutt'al san,
Vna ch'mena più l' man,
D'la mia cara Massarina,
Chi hà mai vist.

S'la fieua dal sauor,
La menaua quel piston,
Con tal furia, e tal rason,
Ch'al tremaua la Cusina,
Chi hà mai vist.

A 2

S'la

S'la sieua la bugada,
La fregaua tant i pagn,
Dria l'orel, e dria i viuagn,
Chi pareuan d' vrtighina,
Chi hà mai vist.

Quand'à la mandaua in piazza
Con la sporta à tor cuel,
La vlea semper al Rauanel,
Con l'Endiuia molesina,
Chi hà mai vist.

S'l andaua in Beccaria,
A comprar manz, o Castron,
Lal'vlea semper in ti rugnon,
Vn bel pez' de quella fina,
Chi hà mai vist.

S'l andaua in Pescaria,
Per Tonina, o Sturion,
La vlea semper vn bel Tineon,
O vn bon Luz in zelatina,
Chi hà mai vist.

O che Gnochi, o che Lasagn,
O che Torta, o che Polpet
L'am sieua, o che Guazzet
A manzaua ogn' mattina,
Chi hà mai vist.

S'la sieua la Minestra,
La impea semper' la pignatta,
E la schiuma ch'era tratra
La la dieua à la Mnina
Chi hà mai vist.

S'la filaua dal Garzol,
La spudaua in s'la Cocca,
Ch'al vgnea zò da la Rocca,
Ch'al pareua seda fina,
Chi hà mai vist.

S'la sieua d'la Tela,
La mnaua vn tal fraccas
Con le calcol zò da bas
Chal n'fù mai tanta ruina,
Chi hà mai vist.

Quand' l'iera da Nadal,
Ch'al s'fà quij Ceruelà,
La sin stieua là sbrazza,
A plar la purzellina,
Chi hà mai vist.

S'la sieua di Salam,
L'a i vlea di piena man,
E s'fieuà anch', ch'tut al san,
D' la Salcizza ch'era fina,
Chi hà mai vist.

S'la

S'la

S'la fieu pò dal Pan,
Là n'hauera paragon
A vultar in sù al paston,
E à trar sotta la farina,
Chi hà mai vist.

S'l andaua à trar dal Vin,
La vlea che sò surella
Mtes la stoppa à la Canella,
Per non far guaz in Cantina,
Chi hà mai vist.

S'l andaua in tal Pular,
A purtar de la mundia,
L'ingussaua i Pullastria,
E s'cauaua là pullina,
Chi hà mai vist.

L'iera buona in conclusion,
Da far tut quant'i fat,
Lia pò à vènder, e far contrat,
Auanzaua ogni vesina,
Chi hà mai vist.

Oimè dia sa n'la trou,
A son mort à son finì,
Car fradia s'a la fauì,
N'sta la mia ruina,
Chi hà mai vist.

S'la fus in casa vostra,
O qui in cha de iti vñin,
Insegnamla vn puchetin,
E n'fen mò più marina,
Chi hà mai vist.

Chi l'hà vista, o chi la tien,
M'l insegnà in carità,
Ch'am à trou' cunfinà
Fra la Forca, e la Berlinà,
Chi hà mai vist.

N'm'fad mò più cercar,
Ch'au' prieg i mia fradia,
Perche à son senza qustia,
Vn Molin senza farina,
Chi hà mai vist,

O Tugnina torna à chà,
Torna à chà cara fiola,
E n'far la mattazzola,
N'tardar, vien via camina,
Chi hà mai vist.

T'fa pur ch'in casa mia
T'ie patrona d'ogn' cosa,
Donca vien cara mrofa,
Ch'hà t'hò cot vna gallina,
Chi hà mai vist.

O min-

O michion t' sta à etidat
Ch't par vn Galauron,
E lia stà con al Berton,
A cantar la bustachina.
Chi hà mai vist.

Mò da pò ch'a vég in tut
Chi l'an vien, e ch'la n'appar,
Ain vuoi andar à trar
In tal poz'di Cantina,
Chi hà mai vist.

Cosa harat traditora,
Quand' pò à frò anegà,
Fuorsa pò t' pianzerà
La mia mort' puerina,
Chi hà mai vist.

Mò à pens' pò sa vò à negarm
Ch'hà frò tgnù per mat,
Ch'vn ch'fazza vn simil at,
Al Demonio poi al trascina,
Chi hà mai vist.

A vuoi donca star al mond,
Fin che piaserà à la Mort,
Fuors'vn dì per mio confort,
Turnará la mia Tognina,
Chi hà mai vist la mia Tugnina.



FINE